

Direktor preduzeća

Broj: 101- 13134/24 DŽS
Zenica, 12.11.2024. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 501-13132-1/24 DŽS od 12.11.2024. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-13132/24 DŽS od 12.11.2024. godine u postupku dodjele okvirnog sporazuma za nabavku pocinčanih fittinga i kuglastih ventila i prihvata se preporuka Komisije za nabavke da se okvirni sporazum zaključi sa ponuđačem:

VODOSKOK d.o.o. Tomislavgrad

kao najbolje ocijenjenom ponuđaču, prema ponudi protokolisanom pod brojem: 501- 12684/24 od 30.10.2024. godine, a nakon e-aukcije za ostvarenu cijenu od 85.999,99 KM bez uračunatog PDV-a.

II

Prvobitno ponuđena cijena izabranog ponuđača u iznosu od 129.566,75 KM nakon provedene e-aukcije umanjena je za 33,62 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-11745/24 ŠS od 11.10.2024. godine. Javna nabavka je provedena putem otvorenog postupka sa zaključivanjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 155.000,00 KM.

Dana 11.10.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-527-3-225/24 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 08.11.2024. godine.

Rok za dostavljanje ponuda je bio 01.11.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. VODOSKOK d.o.o. Tomislavgrad

2. TOPLOTA d.o.o. Zenica
3. FERHEM d.o.o. Lukavac
4. ALMY d.o.o. Zenica

Komisija za nabavku imenovana je Odlukom broj: 101-12007/24 ŠS od 14.10.2024.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljeno 4 (četiri) ponude,
- da nema neblagovremeno zaprimljenih ponuda,
- ukupno 20 (dvadeset) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 11.11.2024. godine direktoru preduzeća dostavila Zapisnik o ocjeni ponuda broj: 501 - 13132/24 DžS od 12.11.2024. godine sa preporukom o izboru najpovoljnijeg ponuđača.

Ponuđač FERHEM d.o.o. Lukavac nije dostavio kataloški list iz kojeg se vide tehničke karakteristike za kuglaste ventile iz stavke 1, Aneksa 2. Ponuđač je dostavio kataloški list za stavku 2, za ventile sa ispustom, koji ne odgovaraju traženim dimenzijama. Komisija za nabavku je konstatovala računsku grešku za ukupnu vrijednost ponude, ali nije tražena ispravka obzirom na neprihvatljivost tehničkog dijela ponude. Iz navedenog razloga ponuda ponuđača FERHEM d.o.o. Lukavac je nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22, 50/24). Ponuda ponuđača FERHEM d.o.o. Lukavac se odbacuje u skladu sa članom 68., tačka 4., stav (i). Zakona o javnim nabavkama BiH, „Sl. glasnik BiH“, 39/14, 59/22, 50/24).

Ponuđač ALMY d.o.o. Zenica za kuglaste ventile nije dostavio kataloški list iz kojeg se vide tehničke karakteristike. Iz navedenog razloga ponuda ponuđača ALMY d.o.o. Zenica je nepravilna (član 2., tačka 1., stav 3. Zakona o javnim nabavkama BiH, „Sl. glasnik BiH“, 39/14, 59/22, 50/24). Ponuda ponuđača ALMY d.o.o. Zenica se odbacuje u skladu sa članom 68., tačka 4., stav (i). Zakona o javnim nabavkama BiH, „Sl. glasnik BiH“, 39/14, 59/22, 50/24).

Uvidom u priloženu dokumentaciju postupka broj: 403-11745-1/24 ŠS od 11.10.2024. godine –nabavka pocinčanih fittinga i kuglastih ventila a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH“, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Slijedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 11.11.2024. godine, u terminu od 09:00 sati.

Ponude ponuđača, prije početka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 129.566,75 KM bez PDV-a
2. TOPLOTA d.o.o. Zenica, sa ukupnom cijenom ponude u iznosu od 154.000,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda

Konačne ponude, nakon završetka postupka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 85.999,99 KM bez PDV-a
2. TOPLOTA d.o.o. Zenica, sa ukupnom cijenom ponude u iznosu od 86.000,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. VODOSKOK d.o.o. Tomislavgrad, sa ukupnom cijenom ponude u iznosu od 85.999,99 KM bez PDV-a
2. TOPLOTA d.o.o. Zenica, sa ukupnom cijenom ponude u iznosu od 86.000,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku pocinčanih fittinga i kuglastih ventila dao ponuđač VODOSKOK d.o.o. Tomislavgrad, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđači
- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Tehnička služba
- 3 x Članovima Komisije
- 1 x Službenik za javne nabavke
- 1 x Sekretar Komisije
- 1 x a/a



Direktor:

Emir Pašalić
Pašalić Emir, dipl.ing.građ.